

Pusat Alumni dan UMS 4WDVC kongsi rezeki Ramadan

UB 20.04.2023 P.03

KOTA KINABALU: Sempena bulan Ramadan tahun ini, Pusat Alumni dan Kelab Sukarelawan Pacuan Empat Roda Universiti Malaysia Sabah (UMS 4WDVC) bergabung tenaga menyediakan 300 hingga 350 pek juadah iftar setiap hari Jumaat sempena program Berkongsi Rezeki Ramadan.

Pek juadah iftar ini diagihkan secara percuma kepada para pelajar UMS yang berada di sekitar kampus.

Sempena program itu, kakitangan Pusat Alumni serta ahli-ahli UMS 4WDVC bergotong-royong memasak bagi menyediakan juadah bermula dari jam 2 petang sehingga waktu terbuka.

Pengarah Pusat Alumni Dr. Arif Kamisan Pusiran berkata, program diadakan setiap hari Jumaat sepanjang bulan Ramadan dengan menyasarkan para pelajar UMS.

"Kami berharap dengan penganjuran program ini sedikit sebanyak dapat berkongsi rezeki selain membantu sebahagian pelajar mendapatkan juadah berbuka puasa secara percuma.

"Program julung kali ini membabitkan aktiviti menyediakan pek juadah berbuka, air dan kurma hasil sumbangan daripada alumni UMS serta syarikat swasta dan pihak penganjur bercadang untuk meneruskan program ini di masa hadapan ekoran sambutan yang memberangsangkan daripada para pelajar.

"Para pelajar juga menyambut baik inisiatif yang diadakan oleh pihak penganjur untuk menyediakan juadah berbuka secara percuma selain menjimatkan perbelanjaan pembelian juadah harian mereka," katanya yang juga Pengarah Projek Berkongsi



JUADAH: Kakitangan Pusat Alumni & sukarelawan UMS 4WDVC bergotong-royong memasak dan menyediakan juadah.



BANTU: Arif (kanan) membantu sukarelawan menyampalkan pek juadah.



HULUR: Kasim (kanan) turut menyampalkan pek juadah sempena program itu.

Rezeki Ramadan 2023.

Program itu turut dimeriahan dengan kehadiran Ahli Lembaga Pengarah UMSSamasudin Yusop; Naib Canselor UMS Prof. Datuk Dr. Kasim Mansor; Timbalan

Naib Canselor (Hal Ehwal Pelajar & Alumni) UMS Prof. Madya Dr. Raman Noordin, serta Presiden UMS 4WDVC Prof. Dr. Shahril Yusof turut sama mengagih-agihkan pek juadah iftar Ramadan.